

EZRHA

Outeur : **Ezra**
Aan : **Israeliete**
Rede : **Oor hulle**
Geskryf tussen : **geskiedenis.**
440-400 BCE

Voorwoord.

Die boek Ezrha se hoofklem val op die herbou van die temple deur die ballinge wat saam met Serubbabel teruggekom het, en die herstel van die tempeldiens. So beklemtoon dit die boodskap van Kronieke. Serubbael was immers 'n nasaat van Daud. Ook Ezrha se optrede was in belang van die suiwer tempeldiens.

Die terugkeer van die Ballinge na Jerusalem.

- 1** En in die eerste jaar van Kores, die koning van Persië, het IEUE—sodat die woord van IEUE uit die mond van Jeremia vervul sou word—die gees van Kores, die koning van Persië, opgewek, dat hy 'n oproep deur sy hele koninkryk laat gaan het, selfs ook skriftelik, om te sê:
- 2** So sê Kores, die koning van Persië: Al die koninkryke van die aarde het IEUE, die Aleim van die hemel, aan my gegee; en Hy het my opgedra om vir Hom 'n huis te bou in Jerusalem wat in Juda is.
- 3** Enigeen onder julle wat aan sy volk behoort—mag sy Aleim met hom wees, en laat hom optrek na Jerusalem wat in Juda is, en die huis van IEUE, die Aleim van Israhel, bou! Hy is die Aleim wat in Jerusalem is.
- 4** En enigeen wat oorgebly het, in enige plek waar hy as vreemdeling vertoef—hom moet die manne van sy woonplek ondersteun met silwer en goud en met goed en vee, en met die vrywillige gawes vir die huis van die Aleim wat in Jerusalem is.

Die Voorbereiding om terug te keer.

- 5** Toe het die familiehoofde van Juda en Beniamin klaargemaak, en die priesters en die Leviete—elkeen wie se gees Aleim opgewek het om op te trek, om die huis van IEUE wat in Jerusalem is, te bou.
- 6** En almal wat rondom hulle was, het hul hande versterk met silwervoorwerpe, met goud, met goed en vee en kosbare geskenke, behalwe alles wat hulle as vrywillige gawe aanbring het.
- 7** En koning Kores het die voorwerpe van die huis van IEUE uitgelewer wat Nebukadnésar uit Jerusalem weggevoer en in die huis van sy god gesit het.

- 8** En Kores, die koning van Persië, het dit uitgelewer onder toesig van Mítredat, die skatmeester; en dié het dit aan Sésbassar, die vors van Juda, voorgetel.
- 9** En dit was hulle getal: dertig goue komme, duisend silwerkomme, nege en twintig messe;
- 10** dertig goue bekere; verder vier honderd en tien silwerbekers, duisend ander voorwerpe.
- 11** Al die voorwerpe van goud en silwer was: vyf duisend vier honderd; dit alles het Sésbassar saamgebring toe die ballinge uit Babel na Jerusalem opgetrek het.

Lys van Mense wat saam met Serubbabel teruggekeer het van Ballingskap.

- 2** En dit is die inwoners van die provinsie Juda wat opgetrek het uit die gevangenskap van die ballinge wat Nebukadnésar, die koning van Babel, na Babel weggevoer het, wat na Jerusalem en Juda teruggekeer het, elkeen na sy stad;
- 2** wat saam met Serubbábel, Jésua, Nehemía, Serája, Reëlája, Mórdegai, Bilsan, Mispar, Bigwai, Rehum, Baána gekom het; die aantal manne van die volk van Israhel was:
- 3** die kinders van Parhos, twee duisend een honderd twee en sewentig;
- 4** die kinders van Sefátja, drie honderd twee en sewentig;
- 5** die kinders van Arag, sewe honderd vyf en sewentig;
- 6** die kinders van Pahat-Moab, van die kinders van Jésua en Joab, twee duisend agt honderd en twaalf;
- 7** die kinders van Elam, duisend twee honderd vier en vyftig;
- 8** die kinders van Sattu, nege honderd vyf en veertig;
- 9** die kinders van Sakkai, sewe honderd en sestig;
- 10** die kinders van Bani, ses honderd twee en veertig;
- 11** die kinders van Bébai, ses honderd drie en twintig;
- 12** die kinders van Asgad, duisend twee honderd twee en twintig;
- 13** die kinders van Adoníkam, ses honderd ses en sestig;
- 14** die kinders van Bigwai, twee duisend ses en vyftig;
- 15** die kinders van Adin, vier honderd vier en vyftig;
- 16** die kinders van Ater, van Hiskía, agt en negentig;
- 17** die kinders van Bésai, drie honderd drie en twintig;
- 18** die kinders van Jora, honderd en twaalf;
- 19** die kinders van Hasum, twee honderd drie en twintig;
- 20** die kinders van Gibbar, vyf en negentig;
- 21** die kinders van Betlehem, honderd drie en twintig;
- 22** die manne van Netófa, ses en vyftig;
- 23** die manne van Anatot, honderd agt en twintig;
- 24** die kinders van Asmáwet, twee en veertig;
- 25** die kinders van Kirjat-Arim, Kefira en Béérot, sewe honderd drie en veertig;
- 26** die kinders van Rama en Geba, ses honderd een en twintig;
- 27** die manne van Migmas, honderd twee en twintig;
- 28** die manne van Bet-el en Ai, twee honderd drie en twintig;
- 29** die kinders van Nebo, twee en vyftig;
- 30** die kinders van Magbis, honderd ses en vyftig;

31 die kinders van die ander Elam, duisend twee honderd vier en vyftig;
 32 die kinders van Harim, drie honderd en twintig;
 33 die kinders van Lod, Hadid en Ono, sewe honderd vyf en twintig;
 34 die kinders van Jérigo, drie honderd vyf en veertig;
 35 die kinders van Sénaã, drie duisend ses honderd en dertig.
 36 Die priesters: die kinders van Jedája, van die huis van Jésua, nege honderd drie en sewentig;
 37 die kinders van Immer, duisend twee en vyftig;
 38 die kinders van Pasgur, duisend twee honderd sewe en veertig;
 39 die kinders van Harim, duisend en sewentien.
 40 Die Leviëte: die kinders van Jésua en Kádmiël, van die kinders van Hodáwja, vier en sewentig.
 41 Die sangers: die kinders van Asaf, honderd agt en twintig.
 42 Die kinders van die poortwagters: die kinders van Sallum, die kinders van Ater, die kinders van Talmon, die kinders van Akkub, die kinders van Hatíta, die kinders van Sobai, almal saam honderd nege en dertig.
 43 Die tempelbediendes: die kinders van Síha, die kinders van Hasúfa, die kinders van Tábbaoth;
 44 die kinders van Keros, die kinders van Síaaha, die kinders van Padon;
 45 die kinders van Lebána, die kinders van Hagába die kinders van Akkub;
 46 die kinders van Hagab, die kinders van Samlai, die kinders van Hanan;
 47 die kinders van Giddel, die kinders van Gahar, die kinders van Reája;
 48 die kinders van Resin, die kinders van Nekóda, die kinders van Gassam;
 49 die kinders van Ussa, die kinders van Paséag, die kinders van Bésai;
 50 die kinders van Asna, die kinders van die Meüniete, die kinders van die Nefisiete;
 51 die kinders van Bakbuk, die kinders van Hakúfa, die kinders van Harhur;
 52 die kinders van Baslut, die kinders van Mehída, die kinders van Harsa;
 53 die kinders van Barkos, die kinders van Sísera, die kinders van Temag;
 54 die kinders van Nesíag, die kinders van Hatífa;
 55 die kinders van die dienaars van Salomo: die kinders van Sotai, die kinders van Hassoféret, die kinders van Perúda;
 56 die kinders van Jáala, die kinders van Darkon, die kinders van Giddel;
 57 die kinders van Sefátja, die kinders van Hattil, die kinders van Pogéret-Hassebáim, die kinders van Ami—
 58 al die tempelbediendes en die kinders van die dienaars van Salomo was drie honderd twee en negentig.
 59 En dit is hulle wat uit Tel-Melag, Tel-Harsa, Kerub, Addan, Immer opgetrek het, maar wat nie hulle familie en hulle afkoms kon aanwys of hulle van Israhel afkomstig was nie—
 60 die kinders van Delája, die kinders van Tobía, die kinders van Nekóda, ses— honderd twee en vyftig.

61 En van die kinders van die priesters: die kinders van Habája, die kinders van Hakkos, die kinders van Barsillai, wat uit die dogters van Barsillai, die Gileadiet, ‘n vrou geneem het en na hulle naam genoem is.
 62 Hulle het hul stamboom gesoek onder die wat in die register opgeneem is, maar dit was nie te vinde nie; daarom is hulle onbevoeg verklaar vir die priesterskap.
 63 En die goewerneur het aan hulle gesê dat hulle nie mag eet van die hoogheilige gawes nie, totdat ‘n priester sou optree met Urim en Tummim.
 64 Die hele vergadering saam was twee en veertig duisend drie honderd en sestig,
 65 behalwe hulle slawe en hulle slavinne; dié was sewe duisend drie honderd sewe en dertig. En hulle het twee honderd sangers en sangeresse gehad.
 66 Hulle perde was sewe honderd ses en dertig; hulle muile, twee honderd vyf en veertig;
 67 hulle kamele, vier honderd vyf en dertig; esels, ses duisend sewe honderd en twintig.

Vrywillige bydraes vir die bou van die Tempel.

68 En van die familiehoofde het, toe hulle by die huis van IEUE kom wat in Jerusalem is, vrywillig gegee vir die huis van Aleim om dit weer op te rig op sy plek.
 69 Na hul vermoë het hulle bygedra tot die fonds van die werk: in goud een en sestig duisend dragmes, en in silwer vyf duisend mines en honderd priesterrokke.

Die terugkeer van die Ballinge na Jerusalem. Die Brandofferaltaar en die Huttefees.

70 So het dan die priesters en die Leviëte en van die volk en die sangers en die poortwagters en die tempelbediendes in hulle stede gaan woon, en die hele Israhel in hulle stede.

Die Herstel van die Erediens.

3 En toe die sewende maand aankom en die kinders van Israhel in die stede was, het die volk soos een man in Jerusalem byengekom.
 2 En Jésua, die seun van Jósadak, met sy broers, die priesters, en Serubbábel, die seun van Seáltiël, met sy broers, het klaargemaak en die altaar van die Aleim van Israhel gebou om daar brandoffers op te offer soos geskrywe staan in die wet van Mose, die man van Aleim.
 3 En hulle het die altaar op sy grondveste opgerig, omdat die skrik vir die volke van die lande op hulle gekom het; en hulle het daar brandoffers op geoffer aan IEUE, brandoffers smôrens en saans.
 4 En hulle het die huttefees gehou soos geskrywe staan, en brandoffers dag vir dag volgens die getal, na die eis van elke dag, soos voorgeskrywe was;
 5 en daarna die voortdurende brandoffer en dié van die nuwemane en van al die geheiligde feestye van IEUE en van elkeen wat aan IEUE ‘n vrywillige gawe gebring het.

Die Tempelfondamente word gelê.

- 6 Van die eerste dag van die sewende maand af het hulle begin om brandoffers aan IEUE te bring, alhoewel die fondament van die tempel van IEUE nog nie gelê was nie.
- 7 Maar hulle het geld gegee aan die klipkappers en die skrynwerkers, en aan die Sidoniërs en Tiriërs voedsel en drank en olie om sederhout van die Líbanon te bring na die see, na Jafo, volgens die verlov van Kores, die koning van Persië, aan hulle.
- 8 En in die tweede jaar ná hulle aankoms by die huis van Aleim in Jerusalem, in die tweede maand, het Serubbábel, die seun van Seáltiël, ‘n begin gemaak, hy en Jésua, die seun van Jósadak, en hulle ander broers, die priesters en die Leviëte en almal wat uit die gevangenskap na Jerusalem gekom het: hulle het die Leviëte van twintig jaar oud en daarbo aangestel om toesig te hou oor die werk aan die huis van IEUE.
- 9 En Jésua het opgetree, sy seuns en sy broers, Kádmíël met sy seuns, die seuns van Juda, soos een man, om toesig te hou oor die wat die werk gedoen het aan die huis van Aleim, met die seuns van Hénadad, hulle seuns en hulle broers, die Leviëte.
- 10 Toe die bouers dan die fondament van die tempel van IEUE lê, het hulle die priesters in ampsgewaad met trompette, en die Leviëte, die seuns van Asaf, met simbale opgestel om IEUE te loof volgens die instelling van Dawid, die koning van Israhel.
- 11 En hulle het aangehef met lof en dank aan IEUE,

want Hy is goed, want sy goedertierenheid oor Israhel is vir ewig!

En die hele volk het gejuig met groot gejuig toe hulle IEUE loof, omdat die fondament van die huis van IEUE gelê was.

- 12 Maar baie van die priesters en die Leviëte en die familiehoofde, van die oues wat die eerste huis gesien het, het hardop gehuil toe die fondament van hierdie huis voor hulle oë gelê is, terwyl baie met gejuig, met blydschap die stem verhef het.
- 13 En die volk kon die geluid van blye gejuig nie onderskei van die geluid van gehuil van die volk nie, want die volk het gejuig met groot gejuig, sodat die geluid tot ver weg gehoor is.

Die Vyande verhinder die bou van die Tempel.

- 4 En toe die teëstanders van Juda en Benjamin hoor dat die ballinge ‘n tempel bou vir IEUE, die Aleim van Israhel,
- 2 het hulle aangekom na Serubbábel en na die familiehoofde en aan hulle gesê: Laat ons saam met julle bou, want net soos julle soek ons julle Aleim, en aan Hom offer ons van die dae van Esar-Haddon af, die koning van Assirië, wat ons hierheen laat optrek het.
- 3 Maar Serubbábel en Jésua en die ander familiehoofde van Israhel het aan hulle gesê: Dit sal nie gaan dat julle saam met ons ‘n huis vir onse Aleim bou nie, maar óns alleen

sal vir IEUE, die Aleim van Israhel, dit bou soos koning Kores, die koning van Persië, ons beveel het.

- 4 Toe het die volk van die land die hande van die volk van Juda laat verslap en hulle afgeskrik om nie te bou nie.
- 5 En hulle het raadgewers teen hulle gehuur om hulle plan te verydel al die dae van Kores, die koning van Persië, tot op die regering van Darius, die koning van Persië.
- 6 En onder die regering van Ahasvéros, in die begin van sy regering, het hulle ‘n aanklag geskrywe teen die inwoners van Juda en Jerusalem.
- 7 En in die dae van Artasásta het Bislam, Mítredat, Tábeël en sy ander partygenote aan Artasásta, die koning van Persië, geskrywe; en die skrif van die brief was Aramees geskrywe en in Aramees vertaal.
- 8 Rehum, die bevelhebber, en Simsai, die skrywer, het ‘n brief geskrywe teen Jerusalem aan Artasásta, die koning, van die volgende inhoud:

- 9 Rehum, die bevelhebber, en Simsai, die skrywer, en hulle ander partygenote, die Dinaïete, die Afarsatgiete, die Tarpeliete, die Afarsiete, die Arkewiete, die Babiloniërs, die Susangiete, naamlik die Elamiete,
- 10 en die ander volke wat die groot en beroemde Asnappar weggevoer en in die stad Samaría en die orige gebied wes van die Eufraat laat woon het. En nou—
- 11 dit is ‘n afskrif van die brief wat hulle aan hom gestuur het:

Aan koning Artasásta, u dienaars, die manne wes van die Eufraat. En nou—

- 12 aan die koning word bekend gemaak dat die Jode wat van u af na ons opgetrek het, in Jerusalem aangekom het. Hulle is besig om die rebelse en slegte stad op te bou: die mure voltooi hulle en die fundamente herstel hulle.
- 13 Laat dit nou aan die koning bekend wees dat hulle, as dié stad opgebou en die mure voltooi is, geen belasting, opbrings of tol sal gee nie—wat aan die inkomste van die konings skade sal doen.
- 14 Aangesien ons nou die sout van die paleis geëet het en dit ons nie pas om die smaad van die koning aan te sien nie, daarom stuur ons en laat die koning weet, dat hulle kan nasoek in die kroniekboek van u vaders; dan sal u in die kroniekboek vind en daaruit verneem dat dié stad ‘n rebelse stad was wat aan konings en provinsies skade gedoen het, en dat hulle van ouds af daarin oproer verwek het; daarom is dié stad verwoes.
- 16 Ons maak die koning bekend dat, as dié stad opgebou en die mure voltooi word, u daardeur geen deel sal hê wes van die Eufraat nie.
- 17 Die koning het as antwoord gestuur:

Aan Rehum, die bevelhebber, en Simsai, die skrywer, en hulle ander partygenote wat in Samaría en in die orige gebied wes van die Eufraat woon:

Heil! En nou—

- 18 die brief wat julle aan ons gestuur het, is aan my in vertaling voorgelees.
- 19 En deur my is bevel gegee, en hulle het gesoek en gevind dat dié stad van ouds af hom teen konings versit, en dat rebellie en oproer daarin verwek is.
- 20 En magtige konings was daar oor Jerusalem wat geheers het oor die hele gebied wes van die Eufraat, en belasting, opbrings en tol is aan hulle gegee.
- 21 Gee nou bevel dat dié manne moet ophou en hierdie stad nie opgebou mag word totdat deur my bevel gegee sal word nie.
- 22 En wees gewaarsku om hierin geen nalatigheid te begaan nie, dat daar nie groter skade tot nadeel van die konings ontstaan nie.
- 23 Net toe die afskrif van die brief van Artasásta, die koning, aan Rehum en Simsai, die skrywer, en hulle partygenote voorgelees is, het hulle haastig na Jerusalem, na die Jode gegaan en hulle met geweld en mag laat ophou.
- 24 Toe het die werk aan die huis van Aleim wat in Jerusalem is, opgehou; en dit is gestaak tot op die tweede jaar van die regering van Darius, die koning van Persië.

Die Tempel word Herbou.

- 5** Maar Haggai, die profeet, en Sagaría, die seun van Iddo, die profete, het vir die Jode wat in Juda en Jerusalem was, geprofeteer in die Naam van die Aleim van Israhel wat oor hulle was.
- 2 Toe het Serubbábel, die seun van Seáltiël, en Jésua, die seun van Jósadak, klaargemaak, en hulle het begin om die huis van Aleim wat in Jerusalem was, te bou, en saam met hulle was die profete van Aleim wat hulle ondersteun het.

Die Navraag van Tattenai: Darius se antwoord.

- 3 In dié tyd het Tattenai, die goewerneur wes van die Eufraat, en Setar-Bosenai en hulle partygenote na hulle gekom en só aan hulle gesê: Wie het julle bevel gegee om hierdie huis te bou en hierdie muur te voltooi?
- 4 Só het ons dan vir hulle gesê wat die name was van die manne wat hierdie gebou oprig.
- 5 Maar die oog van hulle Aleim was oor die oudstes van die Jode, sodat hulle hul nie verhinder het nie, totdat die berig voor Darius sou kom, en dan daaroor 'n brief teruggebring sou word.
- 6 'n Afskrif van die brief wat Tattenai,
- die goewerneur wes van die Eufraat, en Setar-Bosenai en sy partygenote, die Afarsegãiete wat wes van die Eufraat was, aan koning Darius gestuur het.

- 7 Hulle het aan hom 'n berig gestuur, en só was daarin geskrywe:

Aan koning Darius:

alle heil!

- 8 Aan die koning word bekend gemaak dat ons na die provinsie Juda, na die huis van die grote Aleim, gegaan het; en dit word van groot klippe gebou, en hout word teen die mure gelê, en daardie werk word sorgvuldig gedoen en vorder goed onder hulle hande.
- 9 Toe het ons daardie oudstes gevra; só het ons aan hulle gesê: Wie het julle bevel gegee om hierdie huis te bou en hierdie muur te voltooi?
- 10 Verder het ons vir hulle ook hul name gevra om u bekend te maak, dat ons die name van die manne wat aan hul hoof staan, kan skrywe.
- 11 En hulle het ons die volgende antwoord gegee en gesê: Ons is knegte van die Aleim van hemel en aarde, en ons bou die huis wat baie jare gelede gebou is, wat 'n groot koning van Israhel gebou en voltooi het.
- 12 Maar omdat ons vaders die Aleim van die hemel vertoorn het, het Hy hulle oorgegee in die hand van Nebukadnésar, die koning van Babel, die Chaldeër; hy het hierdie huis verwoes en die volk na Babel weggevoer.
- 13 Maar in die eerste jaar van Kores, die koning van Babel, het koning Kores bevel gegee om hierdie huis van Aleim te bou.
- 14 En ook die goue en silwervoorwerpe van die huis van Aleim wat Nebukadnésar uit die tempel in Jerusalem weggevoer en in die tempel van Babel gebring het, dit het koning Kores uit die tempel van Babel uitgehaal, en dit is oorhandig aan een, met die naam van Sésbassar, wat hy as goewerneur aangestel het;
- 15 en hy het vir hom gesê: Neem hierdie voorwerpe, gaan sit dit in die tempel in Jerusalem, en laat die huis van Aleim gebou word op sy plek.
- 16 Toe het hierdie Sésbassar gekom, hy het die fundamente van die huis van Aleim in Jerusalem gelê, en van toe af tot nou toe is daar gebou, maar dit is nog nie voltooi nie.
- 17 As die koning dit nou goedvind, laat dan nagesoek word in die skathuis van die koning daar in Babel, of dit so is dat deur koning Kores bevel gegee is om hierdie huis van Aleim in Jerusalem te bou; en mag die koning sy beslissing hieroor aan ons stuur.

Darius bevestig die Bevel van Kores.

- 6** Toe het koning Darius bevel gegee, en hulle het nagesoek in die argief waar hulle in Babel die skatte wegbêre.

2 En in Agméta, in die vesting wat in die provinsie Médië lê, is 'n skrifrol gevind, en só was daarin geskrywe: Oorkonde.

3 In die eerste jaar van koning Kores het koning Kores bevel gegee: Die Godshuis in Jerusalem—dié huis moet gebou word as 'n plek waar hulle offers bring, en sy fondamente moet gelê word; sy hoogte moet sestig el, sy breedte sestig el wees;

4 met drie lae groot klippe en een laag nuwe hout; en die onkoste sal deur die huis van die koning gedra word.

5 En ook die goue en silwervoorwerpe van die huis van Aleim wat Nebukadnésar uit die tempel in Jerusalem weggevoer en na Babel gebring het, moet hulle teruggee, dat dit in die tempel in Jerusalem op hulle plek kan kom, en jy moet dit in die Godshuis sit.

6 Tattenai, goewerneur wes van die Eufraat, Setar-Bosenai met hulle partygenote, die Afarsegaïete wes van die Eufraat—julle moet daar nou ver van af bly.

7 Laat die werk aan daardie Godshuis toe; die goewerneur van die Jode en die oudstes van die Jode mag daardie huis van Aleim op sy plek bou.

8 En deur my word bevel gegee hoe julle met hierdie oudstes van die Jode moet handel om daardie huis van Aleim te bou, naamlik: Uit die inkomste van die koning, uit die belasting van die westelike gebied van die Eufraat moet die onkoste aan daardie manne sorgvuldig vergoed word sonder vertraging.

9 En wat nodig is, jong bulle sowel as ramme en lammers vir brandoffers aan die Aleim van die hemel, koring, sout, wyn en olie moet aan hulle volgens opgawe van die priesters in Jerusalem sonder versuim dag vir dag gelewer word,

10 dat hulle welgevallige offers kan bring aan die Aleim van die hemel en kan bid vir die lewe van die koning en van sy seuns.

11 En deur my word bevel gegee dat van elkeen wat hierdie bevel oortree, 'n balk uit sy huis geruk sal word, en dat hy daaraan opgehang en vasgeslaan sal word, en van sy huis hieroor 'n puinhoop gemaak sal word.

12 En mag Aleim wat sy Naam daar laat woon het, elke koning en volk neerwerp wat sy hand uitsteek om dit te oortree, om naamlik hierdie Godshuis in Jerusalem te verwoes. Ek, Darius, gee bevel; sorgvuldig moet dit uitgevoer word.

Die Voltooiing en Inwyding van die Tempel.

13 Toe het Tattenai, die goewerneur wes van die Eufraat, Setar-Bosenai en hulle partygenote sorgvuldig net so gehandel soos koning Darius laat weet het.

14 En die oudstes van die Jode het gebou en goed gevorder deur die profetiese werksaamheid van die profeet Haggai en Sagaria, die seun van Iddo; en hulle het gebou en voltooi op bevel van die Aleim van Israhel en op bevel van Kores en Darius en Artasásta, koning van Persië.

15 En hierdie huis was klaar op die derde dag van die maand Adar; dit was die sesde jaar van die regering van koning Darius.

16 En die kinders van Israhel, die priesters en die Leviëte en die ander, uit die ballingskap afkomstig, het die inwyding van hierdie huis van Aleim met vreugde gevier.

17 En hulle het geoffer by die inwyding van hierdie huis van Aleim: honderd bulle, twee honderd ramme, vier honderd lammers en twaalf bokke as sondoffer vir die hele Israhel volgens die getal van die stamme van Israhel.

18 En hulle het die priesters aangestel volgens hulle afdelings en die Leviëte volgens hulle afdelings vir die diens van Aleim in Jerusalem, volgens die voorskrif van die boek van Mouse.

Die Paasfees.

19 En die ballinge het die pasga gehou op die veertiende van die eerste maand.

20 Want die priesters en die Leviëte het hulle soos een man gereinig—hulle almal was rein—en die paaslam geslag vir al die ballinge en vir hulle broers, die priesters, en vir hulleself.

21 En die kinders van Israhel wat uit die ballingskap teruggekeer het, het dit geëet en elkeen wat hom van die onreinheid van die nasies van die land afgesonder het om saam met hulle IEUE, die Aleim van Israhel, te soek.

22 Hulle het ook die fees van die ongesuurde brode met blydskap sewe dae lank gehou; want IEUE het hulle verbly en die hart van die koning van Assirië na hulle omgewend, om hul hande te versterk in die werk aan die huis van Aleim, die Aleim van Israhel.

Ezra gaan op na Jerusalem.

7 En ná hierdie gebeurtenisse, onder die regering van Artasásta, die koning van Persië, het Ezra, die seun van Serája, die seun van Asárja, die seun van Hilkía,

2 die seun van Sallum, die seun van Sadok, die seun van Ahítub,

3 die seun van Amárja, die seun van Asárja, die seun van Mérajot,

4 die seun van Serágja, die seun van Ussi, die seun van Bukki,

5 die seun van Abisúá, die seun van Pínehas, die seun van Eleásar, die seun van Aáron, die hoëpriester,

6 het hierdie Ezra opgetrek uit Babel; en hy was 'n skrifgeleerde, vaardig in die wet van Mouse wat IEUE, die Aleim van Israhel, gegee het; en die koning het, omdat die hand van IEUE sy Aleim oor hom was, al sy begeertes ingewillig.

7 Ook van die kinders van Israhel en van die priesters en die Leviëte en die sangers en die poortwagters en die

tempelbediendes het na Jerusalem opgetrek in die sewende jaar van koning Artasásta.

- 8 En hy het in Jerusalem gekom in die vyfde maand; dit was die sewende jaar van die koning.
- 9 Want op die eerste van die eerste maand het hy die optog uit Babel gereël, en op die eerste van die vyfde maand het hy in Jerusalem aangekom, omdat die goeie hand van sy Aleim oor hom was.
- 10 Want Esra het sy hart daarop gerig om die wet van IEUE te ondersoek en te betrag, en om Israhel die insettinge en verordeninge te leer.

Die Volmag van Ezrha.

- 11 En dit is die afskrif van die brief wat koning Artasásta gegee het aan Esra, die priester-skrifgeleerde, wat skrifgeleerd was in die woorde van die gebooie en insettinge van IEUE oor Israhel:
- 12 Artasásta, die koning van die konings, aan die priester Esra, skrifgeleerde in die wet van die Aleim van die hemel, volkome vrede! En nou—
- 13 deur my is bevel gegee dat elkeen van die volk van Israhel en van sy priesters en Leviëte wat in my koninkryk gewillig is om na Jerusalem te trek, met jou mag saamtrek;
- 14 omdat jy vanweë die koning en sy sewe raadsmanne gestuur is om oor Juda en in Jerusalem ondersoek te doen volgens die wet van jou Aleim wat in jou hand is,
- 15 en om die silwer en goud weg te bring wat die koning en sy raadsmanne vrywillig gee aan die Aleim van Israhel wie se woning in Jerusalem is,
- 16 en al die silwer en goud wat jy sal vind in die hele provinsie Babel saam met die vrywillige gawes van die volk en die priesters wat vrywillig gee vir die huis van hulle Aleim wat in Jerusalem is.
- 17 Daarom moet jy sorgvuldig met hierdie geld koop bulle, ramme, lammers met die spysoffers en drankoffers wat daarby behoort, en dit op die altaar van die huis van julle Aleim in Jerusalem offer.
- 18 En wat jy en jou broers goedvind om met die orige silwer en goud te doen, kan julle doen volgens die wil van julle Aleim.
- 19 Maar die voorwerpe wat aan jou gegee word vir die diens van die huis van jou Aleim, moet jy aflewer voor die Aleim van Jerusalem.
- 20 En die ander benodigdhede vir die huis van jou Aleim wat jy sal moet gee, mag jy gee uit die skathuis van die koning.
- 21 En deur my, koning Artasásta, is bevel gegee aan al die skatmeesters wat wes van die Eufraat is, dat alles wat Esra, die priester, die skrifgeleerde in die wet van die Aleim van die hemel, van julle vra, sorgvuldig gedoen moet word,
- 22 tot honderd talente silwer en tot honderd kor koring en tot honderd bat wyn en tot honderd bat olie toe en sout sonder beperking.
- 23 Alles wat volgens die bevel van die Aleim van die hemel is, moet stiptelik uitgevoer word vir die huis van die

Aleim van die hemel; want waarom sou daar 'n toorn kom oor die koninkryk van die koning en sy seuns?

- 24 En ons maak julle bekend dat wat betref al die priesters en Leviëte, sangers, poortwagters, tempelbediendes of dienaars van hierdie huis van Aleim, niemand gemagtig is om hulle belasting, opbrings of tol op te lê nie.
- 25 En jy, Esra, volgens die wysheid van jou Aleim wat jy besit, stel owerhede en regters aan om vir die hele volk wat wes van die Eufraat is, reg te spreek, almal wat die wette van jou Aleim ken; en wie dit nie ken nie, moet julle dit leer.
- 26 En elkeen wat die wet van jou Aleim en die wet van die koning nie doen nie, teen hom moet geregtelik opgetree word, hetsy ter dood of tot verbanning of geldboete of gevangenisstraf.
- 27 Geloofd sy IEUE, die Aleim van ons vaders, wat so iets in die hart van die koning gegee het, om die huis van IEUE wat in Jerusalem is, te versier;
- 28 en wat my guns laat vind het voor die koning en sy raadsmanne en voor al die magtige vorste van die koning. Toe het ek moed geskep, omdat die hand van IEUE my Aleim oor my was, en ek het die hoofde uit Israhel versamel om saam met my op te trek.

Die Geslagsregister van Mense wat saam met Ezrha teruggekeer het.

- 8 En dit is hulle familiehoofde, met hulle geslagsregister, wat saam met my onder die regering van koning Artasásta uit Babel opgetrek het:
- 2 van die kinders van Pinehas: Gersom; van die kinders van Itamar: Daniël; van die kinders van Dawid: Hattus,
- 3 van die kinders van Segánja; van die kinders van Párhos: Sagaría, en saam met hom in die register opgeneem, aan manspersone, honderd en vyftig;
- 4 van die kinders van Pahat-Moab: Eljehóēnai, die seun van Serágja, en saam met hom twee honderd manspersone;
- 5 van die kinders van Sattu: Segánja, die seun van Jahásiël, en saam met hom drie honderd manspersone;
- 6 en van die kinders van Adin: Ebed, die seun van Jónatan, en saam met hom vyftig manspersone;
- 7 en van die kinders van Elam: Jesaja, die seun van Atálja, en saam met hom sewentig manspersone;
- 8 en van die kinders van Sefátja: Sebádja, die seun van Mígaël, en saam met hom tagtig manspersone;
- 9 van die kinders van Joab: Obádja, die seun van Jéhiël, en saam met hom twee honderd en agttien manspersone;
- 10 en van die kinders van Bani: Sélomit, die seun van Josífja, en saam met hom honderd en sestig manspersone;
- 11 en van die kinders van Bébai: Sagaría, die seun van Bébai, en saam met hom agt en twintig manspersone;
- 12 en van die kinders van Asgad: Jóhanan, die seun van Hakkátan, en saam met hom honderd en tien manspersone;
- 13 en van die kinders van Adoníkam wat later gekom het, en dit was hulle name: Elifélet, Jeï-el en Semája, en saam met hulle sestig manspersone;

- 14 en van die kinders van Bigwai: Utai en Sabbud, en saam met hom sewentig manspersone.

Ezra werf Leviëte om saam te gaan.

- 15 En ek het hulle versamel by die rivier wat na Ahawa loop, en ons het daar drie dae laer opgeslaan; en ek het op die volk en die priesters ag gegee, maar van die kinders van Levi daar nie aangetref nie.
- 16 Daarom het ek Eliëser, Ariël, Semája en Élnatan en Jarib en Élnatan en Natan en Sagaria en Mesúllam, die hoofde, en Jójarib en Élnatan, die leraars, gestuur
- 17 en hulle bevel gegee aan Iddo, die hoof in die plek Kasíjja; en ek het die woorde in hulle mond gelê wat hulle met Iddo, en sy broers, die tempelbediendes in die plek Kasíjja, moes spreek, dat hulle vir ons dienaars vir die huis van onse Aleim moes bring.
- 18 En hulle het vir ons, omdat die goeie hand van onse Aleim oor ons was, verstandige manne uit die kinders van Magli, die seun van Levi, die seun van Israhel, gebring, naamlik Serébja met sy seuns en sy broers, agtien;
- 19 en Hasábja, en saam met hom Jesaja, van die kinders van Merári, sy broers en hulle seuns, twintig;
- 20 en van die tempelbediendes wat Dawid en die owerstes vir die diens van die Leviëte gegee het, twee honderd en twintig tempelbediendes wat almal met hulle name aangewys was.

Ezra en sy Geselskap keer terug.

- 21 Toe het ek daar 'n vastyd uitgeroep aan die rivier Ahawa, om ons te verootmoedig voor die aangesig van onse Aleim ten einde van Hom 'n voorspoedige reis te vra vir ons en ons families en al ons goed.
- 22 Want ek was skaam om van die koning 'n leër en perderuiters te vra om ons te help teen vyande op die pad, omdat ons met die koning gespreek en gesê het: Die hand van onse Aleim is ten goede oor almal wat Hom soek, maar sy krag en sy toorn oor almal wat Hom verlaat.
- 23 So het ons dan gevas en onse Aleim dit gevra, en Hy het ons verhoor.
- 24 Toe het ek van die priesterowerstes twaalf afgesonder: Serébja, Hasábja en tien van hulle broers saam met hulle.
- 25 En ek het vir hulle die silwer en die goud en die voorwerpe afgeweeë, die offergawe aan die huis van onse Aleim wat die koning en sy raadsmanne en sy vorste en die hele Israhel wat aanwesig was, aangebied het.
- 26 En ek het in hulle hand afgeweeë: ses honderd en vyftig talente silwer en silwervoorwerpe van honderd talente, honderd talente in goud,
- 27 en twintig goue bekers van duisend darieke en twee mooi goudgeel voorwerpe van koper, kosbaar soos goud.
- 28 En ek het vir hulle gesê: Julle is heilig aan IEUE, en die voorwerpe is heilig, en die silwer en die goud is 'n vrywillige gawe aan IEUE, die Aleim van julle vaders.
- 29 Waak daaroor en bewaar dit, totdat julle dit afweë voor die owerstes van die priesters en die Leviëte en die familie-owerstes van Israhel in Jerusalem, in die vertrekke van die huis van IEUE.

- 30 Toe het die priesters en die Leviëte die gewig van die silwer en die goud en die voorwerpe ontvang om dit na Jerusalem, na die huis van onse Aleim te bring.
- 31 Daarna het ons weggetrek van die rivier Ahawa af op die twaalfde van die eerste maand, om na Jerusalem te gaan; en die hand van onse Aleim was oor ons, sodat Hy ons gered het uit die hand van die vyand en die wat ons voorlê op die pad.
- 32 En ons het in Jerusalem aangekom en daar drie dae gebly.
- 33 En op die vierde dag is die silwer en die goud en die voorwerpe in die huis van onse Aleim afgeweeë onder bewaring van die priester Méremot, die seun van Uría, en by hom was Eleásar, die seun van Pínehas, en by hulle Jósabad, die seun van Jésua, en Noádja, die seun van Bínnuí, die Leviëte—
- 34 volgens getal en gewig van alles; en tegelykertyd is die hele gewig opgeskrywe.
- 35 Hulle wat uit die gevangenskap gekom het, die seuns van die ballingskap, het brandoffers gebring aan die Aleim van Israhel: twaalf bulle vir die hele Israhel, ses en negentig ramme, sewe en sewentig lammers, twaalf bokke as sondoffer—dit alles as brandoffer aan IEUE.
- 36 En hulle het die bevelskrifte van die koning gegee aan die landvoogde van die koning en die goewerneurs wes van die Eufraat, en dié het die volk en die huis van Aleim ondersteun.

Die Belydings Gebed van Ezra.

- 9** En toe dit klaar was, het die owerstes na my gekom en gesê: Die volk van Israhel en die priesters en die Leviëte het hulle nie afgesonder van die volke van die lande, wat hulle gruwels betref nie, naamlik van die Kanaäniete, Hetiete, Feresiete, Jebusiete, Ammoniete, Moabiete, Egiptenaars en Amoriete.
- 2 Want hulle het van hulle dogters vir hulleself en vir hul seuns geneem, sodat die heilige geslag hom met die volke van die lande vermeng het; en die owerstes en die leiers het in hierdie ontrou eerste die hand gehad.
- 3 En toe ek dit hoor, het ek my kleed en my mantel geskeur en van die hare van my hoof en my baard uitgepluk en verslae neergesit.
- 4 En by my het byeengekom almal wat gebeef het vir die woorde van die Aleim van Israhel, oor die ontrou van die ballinge; maar ek het verslae bly sit tot die aandoffer toe.
- 5 Maar op die tyd van die aandoffer het ek opgestaan uit my verootmoediging; en terwyl ek my kleed en my mantel skeur, het ek op my knieë my gebuig en my hande uitgebrei na IEUE my Aleim
- 6 en gesê: My Aleim, ek voel te beskaamd en verleë om my aangesig tot U, my Aleim, op te hef, want ons ongeregthede het oor ons hoof gegroei, en ons skuld is hemelhoog.
- 7 Van die dae van ons vaders af tot vandag toe is ons in 'n groot skuld, en oor ons ongeregthede is ons self, ons konings, ons priesters oorgegee in die hand van die konings van die lande, aan die swaard, aan gevangenskap

en aan plundering en beskaming van die aangesig soos dit vandag is.

- 8 En nou was daar vir 'n klein oomblik genade van die kant van IEUE onse Aleim, om vrygeraaktes vir ons te laat oorbly en ons 'n pen te gee in sy heilige plek, sodat onse Aleim ons oë verhelder het en ons 'n bietjie verademing geskenk het in ons diensbaarheid.
- 9 Want slawe is ons; in ons slawerny egter het onse Aleim ons nie verlaat nie, maar Hy het ons guns laat vind voor die konings van Persië, sodat hulle ons verademing geskenk het om die huis van onse Aleim weer op te rig en sy puinhoop te herstel en ons 'n muur te gee in Juda en Jerusalem.
- 10 En wat sal ons nou ná hierdie dinge sê, onse Aleim? Want ons het u gebooie verlaat
- 11 wat U deur u knegte, die profete, beveel het deur te sê: Die land waar julle inkom om dit in besit te neem, is 'n onrein land vanweë die onreinheid van die volke van die lande, deur hulle gruwels waarmee hulle dit van die een end tot die ander vervul het in hulle onreinheid.
- 12 Gee dan nou julle dogters nie aan hulle seuns en neem hulle dogters nie vir julle seuns nie, en soek tot in ewigheid nie hulle vrede en geluk nie, sodat julle kan sterk word en die goeie van die land geniet en dit aan julle kinders as besitting kan gee tot in ewigheid.
- 13 En ná alles wat oor ons gekom het vanweë ons slegte dade en ons groot skuld—want U, onse Aleim, het ons minder toegereken as wat ons ongeregthede verdien het, en aan ons nog soveel vrygeraaktes gegee—
- 14 sal ons weer u gebooie verbreek en ons verswaer met hierdie gruwelike volke? Sal U nie op ons vertoorn wees, totdat ons vernietig is, sodat daar geen oorblyfsel of vrygeraakte meer is nie?
- 15 IEUE, Aleim van Israhel, U is regverdig; want ons het as vrygeraaktes oorgebly soos dit vandag is. Hier is ons in ons skuld voor u aangesig, want niemand kan om sulke dinge voor u aangesig bestaan nie.

Die Huwelike met die Nasies word Opgehef.

- 10 En terwyl Ezra bid en hy wenende neerval en belydenis doen voor die huis van Aleim, kom daar uit Israhel 'n baie groot vergadering van manne en vroue en kinders by hom bymekaar; want die volk het geweene met 'n groot geweene.
- 2 Toe het Segánja, die seun van Jéhiël, van die seuns van Elam, begin spreek en aan Ezra gesê: Ons het ontrou gehandel teen onse Aleim, dat ons vreemde vroue uit die volke van die land getrou het; maar tog is daar nog hoop vir Israhel in hierdie saak.
- 3 Laat ons dan nou 'n verbond met onse Aleim sluit om al die vroue en wat uit hulle gebore is, weg te stuur volgens die raad van my heer en van die wat beef vir die gebod van onse Aleim, en laat volgens die wet gehandel word.
- 4 Staan op, want die saak rus op u, en ons staan by u; wees sterk en handel!

- 5 Toe het Ezra opgestaan en hy het die owerstes van die priesters, die Leviete en die hele Israhel laat sweer om volgens hierdie woord te handel; en hulle het gesweer.
- 6 En Ezra het hom opgerig van voor die huis van Aleim en weggegaan na die kamer van Jóhanan, die seun van Éljasib. En hy het daar gekom; geen brood het hy geëet en geen water gedrink nie, want hy het rou bedrywe oor die ontrou van die ballinge.
- 7 Toe het hulle 'n oproep deur Juda en Jerusalem laat gaan aan al die ballinge om in Jerusalem saam te kom.
- 8 En elkeen wat nie binne drie dae inkom nie, dié se hele besitting sou volgens besluit van die owerstes en die oudstes deur die banvloek getref word, en hy self uit die vergadering van die ballinge uitgesluit word.
- 9 Daarop het al die manne van Juda en Benjamin binne drie dae in Jerusalem saamgekom; dit was die negende maand, op die twintigste van die maand; en die hele volk het op die plein van die huis van Aleim gesit en bewee vanweë die saak self en vanweë die reënbuie.
- 10 En die priester Ezra het opgestaan en vir hulle gesê: Julle was ontrou en het vreemde vroue getrou om die skuld van Israhel te vermeerder.
- 11 Gee dan nou aan IEUE, die Aleim van julle vaders, die eer en doen wat Hom behaag en sonder julle af van die volke van die land en van die vreemde vroue.
- 12 Toe antwoord die hele vergadering en sê hardop: Só, volgens u woorde, is ons verplig om te handel;
- 13 maar die mense is baie, en dit is die reëntyd—dit is onmoontlik om buite te staan; en dit is nie 'n werk van een dag en nie van twee nie, want ons het in hierdie saak swaar oortree.
- 14 Laat tog ons owerstes vir die hele vergadering optree, dan kan almal in ons stede wat vreemde vroue getrou het, op vasgestelde tye kom, en die oudstes en die regters van elkeen se stad saam met hulle, om die toorgloed van onse Aleim, wat hierdie saak betref, van ons af te wend.
- 15 Net Jónatan, die seun van Asahel, en Jagséja, die seun van Tikwa, het hierteen opgetree, en Mesúllam en die Leviet Sábbetai het hulle gesteun.
- 16 Maar die seuns van die ballingskap het so gedoen; en afgesonder is: Ezra, die priester, saam met manne, familiehoofde volgens hulle families, en hulle is almal by hul naam genoem; en hulle het op die eerste dag van die tiende maand sitting gehou om die saak te ondersoek,
- 17 en met al die manne wat vreemde vroue getrou het, was hulle gereed op die eerste dag van die eerste maand.
- 18 En van die seuns van die priesters wat vreemde vroue getrou het, was daar van die seuns van Jésua, die seun van Jósadak, en sy broers: Maáséja en Eliëser en Jarib en Gedálja.
- 19 Maar hulle het hulle hand daarop gegee dat hulle hul vroue sou wegstuur en dat hulle 'n ram skuldig sou wees vir hulle skuld.
- 20 En van die seuns van Immer: Hanáni en Sebádja;
- 21 en van die seuns van Harim: Maáséja en Elía en Semája en Jéhiël en Ussía;

- 22 en van die seuns van Pasgur: Eljoënai, Maäséja, Ismael,
Netáneël, Jósabad en Eleása.
- 23 En van die Leviete: Jósabad en Símeï en Kelája (dit is
Kelíta), Petágja, Juda en Eliëser.
- 24 En van die sangers: Éljāsib; en van die poortwagters:
Sallum en Telem en Uri.
- 25 En uit Isrhael, van die seuns van Parhos: Ramja en Jissía
en Malkía en Mijamin en Eleásar en Malkía en Benája;
- 26 en van die seuns van Elam: Mattánja, Sagaría en Jéhiël en
Abdi en Jéremot en Elía;
- 27 en van die seuns van Sattu: Eljoënai, Éljāsib, Mattánja en
Jéremot en Sabad en Asísa;
- 28 en van die seuns van Bébai: Jóhanan, Hanánja, Sabbai en
Atlai;
- 29 en van die seuns van Bani: Mesúllam, Mallug en Adája,
Jasub en Seal, Jéremot;
- 30 en van die seuns van Pahat-Moab: Adna en Kelal, Benája,
Maäséja, Mattánja, Besáleël en Binnuï en Manasse;
- 31 en van die seuns van Harim: Eliëser, Jissía, Malkía,
Semája, Simeon,
- 32 Beniamin, Mallug, Semárja;
- 33 van die seuns van Hasum: Mátnai, Mattátta, Sabad,
Elifélet, Jerémai, Manasse, Símeï;
- 34 van die seuns van Bani Máādai, Amram en Uel,
- 35 Benája, Bedéja, Kelúhu,
- 36 Wanja, Méremot, Éljāsib,
- 37 Mattánja, Mátnai en Jáāsai
- 38 en Bani en Binnuï, Símeï
- 39 en Selémja en Natan en Adája,
- 40 Magnádbai, Sásai, Sárar,
- 41 Asáreël en Selémja, Semárja,
- 42 Sallum, Amárja, Josef;
- 43 van die seuns van Nebo: Jeï-el, Mattítja, Sabad, Sebina,
Jáddai en Joël, Benája.
- 44 Hulle almal het vreemde vroue getrou, en daaronder was
vroue wat kinders voortgebring het.